

NEU-kut tuniqhihimainnaqtut ikayuutainik havaanginniklu munariyaamik ilittuqhiityaamiklu aghuurnaqniit Nunaqaqqaaqhimayut Uqauhiit talvanitut February-mi **Nunaqaqqaaqhimayut Uqauhiit Tatqiqhiutaat Nunattami**. Havaangit tahapkuatut annirnaqtut Nunaqaqqaaqhimayut Uqauhiit, ilitquhiit pitquhiillu amirivalliyaghaungmata atuqtailiyauhuiqpalliangmat talvanngat ingilraaqnitarnit uplumirnitarnillu katiqhuiyut havaangigut ihumaigullu. Nunavunmi NEU-kut havaghimmaaqpaktut angirutighaqhiuqhutik ilitariyunik akiliqtuiyaamiklu uqauhiqaqtunik Inuktut havakvingnit. Hapkua ihumaaluutauhimayut ihuilutauhimayuq hivituyumik hitamanik tatqiqhiutinik Iqalungni Ikluliqiyit havaktailihimavianit. Tajja atuqtauyuq angirutit Kavamatkullu Nunavunmi (GN) akiliqtuivaktut uqauhilingnik Inuktut havakvingnit, kihimi Kavamatkut Nunavunmi ihumaaluqquuqtut maniktuqtailiyaamik, ikighivaalliqhugit uqauhilgit atahuunngittumik havaaghait, qauhitiquiplugit Inuinnait havaktiit uqauhiqariamingnik amaamaita uqauhiinik. Aallat ilaupkainahuarutighat ikayuutit atuqtittivalliayaamik Inuktut uqauhiit GN-kut havakiinit ayuqhautiqaqpaktut huli Inuinnait havaktiit utaqqiraayukkamik qaffinik ukiunik ihuilutauyunik qauyihautikkut qauyihaqtauyaamik. Hamna Nunavuuyuq. Inuk ihumavangniaq qakugu GN-kut ihumagittiaqnialiqqaat havaaghauyut tamatkiqlugit hapummihimayaamik atuqtittivalliayaamiklu Inuktut havakvingnit Aviktuqhimayumi tamaat.

